

# توقیر و تکرار

بِسْمِ اللَّهِ الرَّحْمَنِ الرَّحِيمِ

جمعه دن ماعدا هر کون نشر اولنور

نسخه سی ایکی غروشدرد

نومرو ۴۰۶۹

۲۶ کانون ثانی ۱۳۳۷

چهارشنبه

۱۶ جمادی الاولی ۱۳۳۹

بو اراده سنیه نك اجراسنه صدارت مأموردرد .

۱۴ جمادی الاولی ۱۳۳۹ ۲۴ کانون ثانی ۱۳۳۷

صدر اعظم

توفیق

## قوانین و نظامات

آمریقا شرق قریب معاونت هیئتک جلب ایده جکی

اشیانک کمرک رسمندن معفویتک تمیدینه دار

۶ تموز ۱۳۳۶ تاریخلی قرارنامه نك تکرار

تمدید مرعیتی حقنده قرارنامه

محمد وحیدالدین

ماده : ۱ آمریقا شرق قریب معاونت هیئتک محتاجین اهالی به توزیع اولتمق اوزره حوایج ضروریه به متعلق جلب ایده جکی اشیانک آلتی آی مدتله کمرک رسمندن معفوی حقنده کی ۶ تموز ۱۳۳۶ تاریخلی قرارنامه حکمی تاریخ انقضاسی اولان ۲۲ تموز ۱۳۳۶ تاریخندن اعتباراً شباط ۱۳۳۷ غایه سنه قدر تمدید ایدلمشدر .

ماده : ۲ اشبو قرارنامه تاریخ نشرندن معتبردر .

ماده : ۳ اشبو قرارنامه نك اجرای احکامنه مالیه ناظری مأموردرد .

مجلس عمومینک اجتماعنده قانونیتی تکلیف اولتمق اوزره اشبو

قرارنامه نك موقع مرعیتیه وضعنی اراده ایلدیم .

۱۴ جمادی الاولی ۱۳۳۹ ۲۴ کانون ثانی ۱۳۳۷

صدر اعظم عدلیه ناظری شیخ الاسلام و اوقاف هابون

توفیق عارف حکمت ناظر و کیلی

نوری

خارجیه ناظری و تجارت و زراعت حربیه ناظری و بحریه ناظری و کیلی

ضیاءالدین

ناظری و کیلی

صفا

نافعه ناظری و مالیه ناظر و کیلی شورای دولت رئیس و داخلیه

ناظری و کیلی

عبده

مصطفی عارف

معارف ناظری

راشد

## تذکرات

محمد وحیدالدین

شهر امانتی هیئت فنیه مدیری جودت و امور حقوقیه مدیری بدری بکار عزل اولنه رق هیئت فنیه مدیریته نافعہ طرق و معابر مفتش لرندن زهدی و امور حقوقیه مدیریته شورای دولت مالیه و نافعہ دائره سی باش معارفی مخلص بکار تعیین ایدلمشدر .

اشبو اراده سنیه نك اجراسنه داخلیه ناظری مأموردرد .

۱۴ جمادی الاولی ۱۳۳۹ ۲۴ کانون ثانی ۱۳۳۷

صدر اعظم

توفیق

داخلیه ناظری و کیلی

مصطفی عارف

## تذکرات

محمد وحیدالدین

اسوچ دولتک در سعادت سفارتی آتاشه سی موسیو ( قولودین ) .  
دردنجی رتبه دن نشان عثمانی اعطا قلمشدر .

بو اراده سنیه مزک اجراسنه خارجیه ناظری مأموردرد .

۱۴ جمادی الاولی ۱۳۳۹ ۲۴ کانون ثانی ۱۳۳۷

صدر اعظم

توفیق

خارجیه ناظری

صفا

## تذکرات

محمد وحیدالدین

هلال احمره متعلق خصوصانده و اسرای حربیه به متدائر معاملاتده بالفعل حسن خدمت و غیرتی مشهود اولان عبدالعزیز مراد افندی به علامت مخصوصه لی کموش هلال احمر مدالیه سی اعطا اولمشدر .

تقویم

۲۵ کانون ثانی ۱۳۳۷

Table with columns: اسماء و تعویلات, اجیلدی, اوکله فیائی, فباندی, الك اشأغی, الك یوقاری. Rows list various names and their corresponding values.

تجاره

تجارت وزارتدن نظرارتندن : نیف قضاسی اورمان معاملات مأموری اولوب درسعادنده بولنان احمدبهزاد افندیك اوج كوته قدر اورمان مدیریت عمومیسنه مراجعت ایلمسی .

اوقاف نظارتندن :

طوب قیوده الیاس زاده محلهسنده جامع شریف زقاغنده یدی نومرولو ونصف حصهسی محلول اولان خانهك تمامه تقدیر ایدیلن قرق بیك غروشندن حصه محلولیه اصابت ایدن اون آلتی بیك غروشله تفوضنه طالب اولیهجنی حقدنده حصه دارینك بالذات ویا طرفندن بروکیل تعیینه تاریخ اعلاندن اعتباراً اوج ماه ظرفنده مراجعت ایلهدیکی تقدیرده دیگر طالبنه تفویض ایدیلهچکی اعلان اولنور.

استانبول دفتردارافتندن :

املاك امیریه دن یکی قیوده استنلاك بقیه سنندن تقریباً بر بیچ دوم مقدارنده کی اراضی بالزایده سنوی بیك یوز غروش بدله طالی عهدهسنده تقرر ایدوب بدل مزایده حد لایق کوریه مدیکندن ۲۳ کانون ثانی ۳۳۷ تاریخندن اعتباراً اون بش کون مدله تمدید ایدلش اولدیغندن ضمه طالب اولانلر استانبول املاك امیره مدیریتنه مراجعت ایتسونلر .

دیون عمومی عثمیه ادارهسندن :

دیون عمومی عثمیه ادارهسی ، بروسه حریر دارالتعلیمك ۱۳۳۷ سنه حالیهسی نیسانك ازن التیسنه مصادف جمعه ابرتمسی کونی کشاد اوله جفتی علاقه دارانه اعلان ایدر . ومذکور دارالتعلیمه یالکزر نهاری اولتی اوزره مذکور وماندن شاکرد قبول اولوندیغنی وندریسانك جانان اجرا ایدیلدیکی بومناسیله بیان ایلر . مذکور مؤسسهیه قبول شرائطی حقدنده معلومات آلتی ایستیلر کرک استانبوله دیون عمومی اداره مرکزیه سنه وکرک مقیم بولوندیقلری محلك دیون عمومی ادارهسنه مراجعت ایدیلیرلر .

مسکرات قانونک یکریمی برنجی ماده سنك اونچی ققرهسی نذر زنده رسم میریسی ایفا ایدلشمس هر نوع مسکرات بولندیران عامل وناجرلردن جزای نقدی اولهرق مقطوعاً یکریمی بش لیرا قانوناً لازم کلن رسم میرینک استیفاسندن ماعدا بش منلی ده ایدیلهچکنی مبین اولدیغندن بوندن بویه نشو قانون حکمینک شدله تطبیق اولونهجنی بالجه مسکرات عاملیرنه وناجرلیرنه دیون عمومی عثمیه ادارهسی طرفندن اعلان اولنور .

عقارات وقیه مدیریتندن :

شهرامینده ارکلی محلهسنده سرای میدانی زواقغنده ۳۷ نومرولو و یکریمی دزدنه بر حصهسی محلول اولان خانهك تمامه تقدیر ایدیلن قیش بیك غروشندن حصه محلولیه مصیب بیك درت یوز التمش اتی غروش بدل معدل ایله تفوضنه طالب اولوب اولیهجنی حقدنده حصه دارلری بولنان دوقنور مصطقی بك واسکچی احمد افا ایله محسنه خانمک تاریخ اعلاندن اعتباراً اوج ماه ظرفنده بالذات و طرفلردن تعیین ایدیلدیکی وکیللری واسطه سیله اداره به مراجعت ایتدیقلری تقدیرده حصه محلوله مذکورنه دیگر طالبنه تفویض قلنهجنی اعلان اولنور .

اسکدارده تونس باغنده ادهم پاشا سواقغنده ۶۴ نومرولو براقه حالنده دکان آفسرایده چاقراغا محلهسنده داود پاشا اسکلهسی جادهسنده ۳۳ نومرولو بکر پاشا مکتبی تحتند کی دکان بالاده محرابیکی باب دکان کوریه و بریله جکندن طالب اولانلرک ۲۹ کانون ثانی ۳۳۷ جمعه ابرتمسی کونی اقسامنه قدر بی اچقره لیرنی مستصجابا عقارات وقیه ادارهسنه مراجعتلری .

بك اوغلی املاك امیره مدیریتندن :

املاك محلوله دن یکی کویده قلندر قصری اتصالنده واقع غازیونك استیجاری ایچون طالی طرفندن ویریلان سنوی اون بیك ایکی یوز الی غروش حد لایق کوریه مدیکندن مزایده مدتی ۲۰ کانون ثانی ۳۳۷ تاریخندن اعتباراً اون بش کون مدله تمدید اولنشدر . فضلهنه طالب اولانلرک بك اوغلی املاك امیره دائره سنه مراجعتلری .

املاك امیره دن فروخت اولتی اوزره مزایدهیه چیقاریلان تشویقه ده ایکیجی یکی سواقغه واقع ۵۸۳ ذراع مقدارنده کی عرصهیه طالی طرفندن ویریلان قیش بش بیك غروش حد لایق کوریه مدیکندن مزایده مدتی ۲۰ کانون ثانی ۳۳۷ تاریخندن اعتباراً ر ماه ده ایدیلدی ایدلشدر فضلهنه طالب اولانلرک بك اوغلی املاك امیره دائره سنه مراجعتلری .

استانبول دفتر خاقانی ادارهسنندن :

فاطمه خانمک استقرض ایدیلدیکی اوج یوز التمش بش لیرا مقابلنده عباد افندی عهدهسنه وکالت دوریه ایله وفاء مفروغ اولان قره کرک جوارنده محاسب اسکندر محلهسنده امام زقاغنده عتیق ۱۴ نومرولی ۳ اوطه و ۱ صغه ومشمولات سائره یی حاوی مع باغچه خانهك نصف حصهسی تسویه دین ایدلمه سنندن طولانی اجرا قلنان مزایده سننده اونوز بش بیك غروشده طالی عهدهسنده تقرر ایدرهك حاله اولیهسی اجرا قلنمش وشباطك بشنجی کونی حاله قطعیه سنك اجراسی مقرر بولنمش اولغله یوزده بش ضم ایله طالب اولانلرک قیمت تخمنهسی اوزرندن ۸ لیرا بی اچقره سنی مستصجابا دفتر خاقانی امانتی دائره سننده استانبول دفتر خاقانی ادارهسنه مراجعت ایلری اعلان اولنور .

فاغ جوارنده خراجچی محله سنك چقور حمام زقاغنده عتیق ۴ جدید نومرولو ۱۰ متره اونوز بش ساتنیم یوز و یوز قرق بش متره طقسنان یدی ذراع تریمنده برقطعه عرصه تسویه دین ایدلمه سنندن طولانی ۹ کانون ثانی ۳۳۷ تاریخنده مزایدهیه وضع ایدلش اونوز کون سرورنده حاله اولیه واون بش کون صکره حاله قطعیه سنك اجراسی مقرر بولنغله طالب اولانلرک قیمت تخمنهسی اولان ۲۴۶۰۰ غروشک یوزده اونی نسبتنده تأمینات اچقره سنی مستصجابا دفتر خاقانی امانتده استانبول دفتر خاقانی ادارهسنه مراجعت ایلری .

عمر فاروق افندیك استقرض ایدیلدیکی ایکی بیك لیرا مقابلنده زینب خانم عهدهسنه وکالت دوریه ایله وفاء فراغ اولان سلطان احمد جوارنده اوچلر محلهسنده اجراخانه سواقغنده ۲۸ - ۳۰ - ۳۲ - ۳۴ نومرولو مقدما ایکی باب کارکیر خانه وایکی اوطه یی مشتمل اشخاب دکان ایوم بش باب کارکیر خانه ویتخنده ایکی باب دکان ایله ایکی اوطه سی بولنان اشخاب دکانک اون آلتی حصه اعتباریه اون اوج حصه سننك تسویه دین اولنمه سنندن طولانی اونوز کون خنامنده حاله اولیه واون بش کون صکره حاله قطعیه اجرا اولتی اوزره مزایدهیه قونلدیغندن طابلرک ۵۹ لیرا تأمینات اچقره لیرله برابر استانبول دفتر خاقانی مدیریتنه مراجعت ایلری .

زراعت بانکهسی بمبرلکندن متقاعد علی رضا افندیك معارف نظارتی ایکنجی وزنه داری رشید بکدن استقرض ایدیلدیکی ایکی یوز سکسان یدی بیچ لیرانک تسویه اولنماسندن طولانی وکالت دوریه ایله وفاء مفروغ اولان اخور قیو جوارنده سید حسن محلهسنده بیرام فرونی جادهسنده ۱۵ مکرر نومرولی مقدما خانه ایوم عرصه نك بالزایده فروختیه امانندن مطلوباننک استیفاسنی داین مومی ایله طرفندن طلب واستدعا اولنمش ومدیون علی رضا افندیك بعدالحریق نه طرفده اقامت ایتدیکی

مجهول بولندیغنی محله مذکور دن اعطا قلنمش اولان علم و خبردن آکلاشلشمس اولسنه بناء مدیون مومی ایله علی رضا افندی بز ماه طرفنده ظهور و مراجعتله تسویه دین ایتدیکی صورتده مذکور عرصه نك بالزایده صایلهرق امانندن دین استیفا اولهجنی تبلیغات تجریریه مقامنه قائم اولتی اوزره اعلان اولنور .

اسکدار دفتر خاقانی ادارهسنندن :

سامی بکک وکالت دوریه ایله وفاء فراغ ایتک صورتیه دوقنور اورام فوطول افندی دن استقرض ایدیلدیکی درت یوز لیرانک تسویه اولنماسندن دولانی جنک کوینده یکی محله زواقغنده ۲۴ نومرولی اشجار منمره یی و بیچوان اودالری حاوی تخمیناً ( ۴۰۰۰ ) ذراع صرهنده کی بوستانک آلتی حصه اعتباریه بش حصه سننك واون آلتی حصه اعتباریه اوج حصه سننك اونوز کون خنامنده حاله اولیه واون بش کون صکره حاله قطعیه اجرا اولتی اوزره مزایدهیه قونلدیغندن طابلرک اون ایکی لیرا تأمینات اچقره لیرله برابر اسکدار دفتر خاقانی مآ ورینته مراجعتلری .

علی حیدر بك ایله شکوره خانمک استقرض ایدیلدیکی بیك درت یوز اون الی لیرا عثمی اوراق نقدیه مقابلنده حسنا شایان خانم بنت عا کف بیك عهدهسنه وکالت دوریه ایله وفاء مفروغ بولنان ارن کویده قوز بتاغی محله سنك چشمه پیکاری موقنده ۵۶، ۵۷، ۵۸، ۵۹، ۶۰ عتیق نومرولو ۴۴ دوم ۱ اولک ۷ ارشون ۵ و سنوی سکزی بیك غروش ایجاره متحمل ترلا تسویه دین ایدلمه سنندن ۱۱ کانون ثانی ۳۳۷ تاریخنده مزایدهیه وضع ایدلش اونوز کون سرورنده حاله اولیه واون بش کون صکره حاله قطعیه سنك اجراسی مقرر بولنغله طالب اولانلرک قیمت تخمنهسی اولان ۴۰۰۰ غروشک یوزده اونی نسبتنده تأمینات اچقره سنی مستصجابا دفتر خاقانی امانتده ادار دفتر خاقانی ادارهسنه مراجعت ایلری .

بك اوغلی دفتر خاقانی ادارهسنندن :

محمد یحیی بکله حوریه مکرر محسنه خانمک استقرض ایدیلدیکی قیش بیك غروش مقابلنده مبروره خانم عهدهسنه وکالت دوریه ایله وفاء مفروغ بولنان روم ایلی حصارنده قلعه دروننده ۳ نومرولی مع باغچه اشخاب خانهك وقف محلك تمامیه ملک قسمنك آلتش حصه اعتباریه ۴۹ حصه سننك تسویه دین اولونماسندن دولانی اجرا قلنان مزایده سننده بش یوز لیراده طالی عهدهسنه تقرر ایدرهك حاله اولیهسی اجرا قلنمش وشباطك سکزیجی کونی حاله قطعیه سنك اجراسی مقصور بولنمش اولدیغندن یوزده بش ضم ایله طالب اولانلرک ۲۶ لیرا تأمینات اچقره لیرله برابر بك اوغلی دفتر خاقانی مأمورینه مراجعت ایلری .

فطانت خانمک استقرض ایدیلدیکی سکزی یوز الی لیرا مقابلنده قومیسیونجی محمد بهجت افندی عهدهسنه وکالت دوریه ایله وفاء مفروغ بولنان بك اوغلی ده بانغالی محلهسنده آت سواقغنده ۵۷ جدید نومرولی شهری اونوز لیرا بدل ایجاره متحمل ۹ اوطه ومشمولات سائره سی بولنان مع باغچه کارکیر خانهك نصف حصه سی اونوز کون خنامنده حاله اولیه اون بش کون صکره حاله قطعیه اجرا اولتی اوزره مزایدهیه قونلدیغندن طابلرک ۲۵ لیرا تأمینات اچقره لیرله برابر بك اوغلی دفتر خاقانی مأمورینه مراجعت ایلری .

بشکطاشده اتمکچی باشی محلهسنده ماچقه میدانی سواقغنده ۴ نومرولی شهری یکریمی بش لیرا بدل ایجاری بولنان اشخاب خانه نك حصه سی مقابلنده فاطمه فردانه خانمک وکالت دوریه ایله وفاء فراغ ایدرک شوق افندی دن استقرض ایدیلدیکی

بشم بئس لیرانک تسوبه اولنمادن طولانی ذکر اولان حصه اوتوز کون خنامنده احواله اولیه اون بش کون مسکوه احواله قطعه اجرا اولتی اوزره مزایدهیه قونلیدنن طالبلرک ۲۷ لیرا تأمینات اچم لیلره برابرک اوغلی دفتر خاقان مأموریتنه مراجعت ایلملی ۳ ش

بلک اوغلی بدایت محکمه سی برنجی حقوق دائره سندن : ۵۵۴  
عمر لطفی بلک طرفندن طوخنانه جهانکبر محله سنده اوزون بول زقاغنده اون سکز نومرولی خانه ده ساکن حاجی سلیمان افندی علیه اقامه اولنان مطلوبات دعواسنک یوم محاکمه سی ناطق تنظیم و تسطیر قننان دعوتیه ورقه سی مدعی علیه اقامتکاهی مجهول اولسندن تبلیغ ایدله ممش اولسنه بناه بر موجب طلب اعلانیاً تبلیغات اجراسنه قرار و بریلرک اولبایده کی محاکمه شباطک بکری آلتیمی جمه ایتیمی کونی بعدالظهر زوالی ساعت بر یخنده اجراسی مقرر اولغله یوم وقت مزبورده مدعی علیه بالذات محکمه کی کلتی و یاخود مصدق سندن طرفندن وکیل کوندرسی لزومی و عکس تقدیرده دعوائک غیاباً رؤیت و فصل اولنه جنی و آبروجه املا قننان دعوتیه نیکنده تبلیغ عد اولتی اوزره محکمه دیوانخانه سنه تعلیق قنلیدی اعلان اولنور .

بلک اوغلی بدایت محکمه سی ایکنجی جزا دائره سندن : ۵۱۳  
تقریباً آلتی یک قبه مقدارنده قوری میشه کوری دولایده مرکزی جوارنده حمام قارشوسنده موجود بولندی دیوده تسلیم اولتی اوزره بهر قبه عتیقی بش غروش اون پاره طالبی عهده سنده اولوب بو بدل حد کفایده کورلدیکندن طالب اولنلرک فی اچم لیری مستحجاباً کانون ناینک بکری سکزنجی کونه قدر بلک اوغلی ایکنجی جزا دائره سنه مراجعت ایلملی اعلان اولنور .

امین اوکی صلح محکمه سندن : ۵۸۴  
سلطان جامنده صادقیه خاندنه بکری اتی نومرولی یازخانه ده مقیم دعتری افندیکنک لغده سبجی سواقاغنده قرق یدی نومرولی خانه ده مقیم کریاقو قویالیدیس افندی علیه طقوز روز بئش درت غروشک تحصیلی خنده امین اوکی صلح محکمه سندن استحصال ایلملیکی ۲ اغستوس ۳۳۶ تاریخ و ۷۰۲ نومرولو اعلام موقع اجرایه وضع اولنمش ایسه ده محکوم علیه مومی الیه کریاقو افندی نامنه تسطیر قننان اخبارنامه مومی الیه اقامتکاهی مجهول اولسی و کندوسنک دخی میدانه بولنامسی حسینیه تبلیغ ایدله مدیک جهته اعلانیاً تبلیغات اجراسی قرار محکمه اقتضاسندن اولغله تاریخ اعلانن اعتباراً بر ماه طرفنده محکمه مذکوره اجرا قسمنه مراجعت ایتیمی لازم کله چکی و بومدت طرفنده اثبات وجود ایتدیکی تقدیرده حکم اعلامی بارضا اجرادن امتناع ایش عد اولنه رفی علی الاصول معاملات اجرائییه تشبث اولنه جنی اعلان اولنور .

۴۹۷  
مادام دسینا بنت میخائلک پوردان افندی ولد یوان علیه زندان قوسنده اخی چلی محله سنده صوغانچیلر سواقاغنده ۳۴۱ و ۳۴۳ نومرولو بر باب مغازه نیک تخلیه سی خقنده امین اوکی صلح محکمه سندن استحصال ایلملیکی اعلام غیابیه واقع اولان اعتراض علی الحکم دعواسنک اشای رؤیتنده خطب قوسنده ۱۱۷ نومرولو مغازه ده مقیم بکرنجی یورکی استی افندیکنک داخل دعوی ایدلسنه قرار و بریلرک دعوتنامه تسطیر قننمش ایسه ده مومی الیه کی فی الحال اقامتکاهی مجهول اولدی فی اکلشایدنن خقنده اعلانیاً تبلیغات قانونیه ایفاسنه قرار و برلش یوم محاکمه شباطک بکری ایکنجی صالی کونی ساعت اونبره تعیین ایدلش اولدیغندن مومی الیه یورکی استی افندیکنک یوم وقت مذکورده بالذات کلدیکی و یاخود بر وکیل مصدق کوندردیکی تقدیرده غیاباً محکمه سی رؤیت و فصل اولنه جنی اعلان اولنور .

۵۵۲

سلطان احمد صلح محکمه سندن :  
دیوان بولنده مقیم قدسیه خانک سلطان احمدده مقیم مالیه میز لرندن ضیاء الدین بلک علیه ۳۳ لیرانک تحصیلنه دائر محکمه دن استحصال ایلملیکی ۲ کانون اول ۳۳۶ تاریخ و ۳۰۶۸ نومرولی فقره حکمیہ انفاذ احکامی طلبیه موقع اجرایه قوتولش و محکوم علیه کی ایوم اقامتکاهی مجهول بولنمش اولدیغندن تاریخ اعلانن اعتباراً بر ماه طرفنده حکم مذکور بارضا اجرا و یاخود دائره ده اثبات وجود ایتدیکی تقدیرده معاملات اجرائییه تشبث اولونه جنی اجرا قانون جدیدنک قرقجی ماده سنه توفیقاً اعلان اولنور .

فاغ صلح محکمه سندن : ۵۴۳  
ادرنه قوسنده چاقرا آغا محله سنده باباس زوقاغنده کاش ۱۲ نومرولو خانه نک تخلیه سنه و بدلات اجارنک تحصیلنه دائر مدعی حاجی عمر بلک طرفندن ایلیا علیه اقامه اولنان دعوی اوزرینه مدعی علیه اقامتکاه اخیری اولان مذکور ۱۲ نومرولی خانه فی ترکله بر محل مجهوله کیتدیکی هیئت اختیارنک شرحندن آکلشاملش و محکمه جهه ده اعلانیاً تبلیغات اجراسنه قرار و برلش اولدیغندن مدعی علیه مرقوم ایلیانک یوم محاکمه اولان ۱۶ شباط ۳۳۷ تاریخه مصادف چهارشنبه کونی وسطی ساعت اونبرده محکمه ده اثبات وجود ایتیمی و باطرفندن مصدق بروکیل کوندرسی لزومی بیان و عکس تقدیرده غیاباً رؤیت محاکمه اولنه جنی مقام تبلیغده اعلان اولنور

بلک اوغلی صلح محکمه سندن : ۵۵۱  
نشاناطشده تشویقیه محله سنده برنجی قره غول زقاغنده ۷۷ مکرر عتیق ۹۳ جدید نومرولی بئش سکز متره عرصه اوزرینه یعنی اوج قات سکز اوپله و آرقه سنده طفسان متره صربی باغچه و مشتملات ساثره فی حاری درونه تر قوس صوبی جاری بویالی اخشاب بر باب خانه تاریخ اعلانن اعتباراً قرق بش کون مدته مزایدهیه وضع اولدیغندن طالب اولنلرک ودها زیاده معلومات ایستیارلرک محکمه من اجرا قلمنه مراجعت لری اعلان اولنور .

غلطه صلح محکمه سندن : ۵۸۸  
فاطمه دلبر خانم و ابراهیم و مصطفی صبحی و یوان افندیلرله صدیقیه و ریات و قوزیه خانلر ایله اوقاف نظارتنک شایعاً و مشترکاً منصرف اولدق لری غلطه ده اوغلی موسی محله سنده لالهلی چشمه سواقاغنده بش نومرولو عرصه ایله اوج باراقنک ازاله شیوعی ضمننده بلمزایده فروختی تقرر ایدرک تاریخ اعلانن اعتباراً قرق بش کون مدته مزایدهیه وضع ایدلدیکندن اشترایه طالب اولنلرک و فضله معلومات آلتی ایستیارلرک بوزده اون نسیتنده فی اچم سنی مستحجاباً غلطه صلح محکمه سنه مراجعت ایلملی اعلان اولنور .

اسکدار صلح محکمه سندن : ۵۸۶  
محمد توفیق افندیکنک با اعلام آلاجنی اولان معلوم القدر مبالغتک تسویسی ضمننده مدیونه چاقری حسن پاشا محله سنک نونساغی جاده سننده ۷ نومرولو دو قنور احمد پاشا خانه سنده مرحوم صالح پاشا کرمه سی فاطمه مدینه خانم خقنده کوندربیلان اخبارنامه مدیونه مومی الیه بلک بولنه مامسی حسینیه تبلیغ ایدله مامش اولدیغندن سکز کون طرفنده دینی تسوبه ایتک و اخبارنامه مقامنه قائم اولتی اوزره اعلانیاً تبلیغ اولنور .

ککبوزه قضاسی اجرا دائره سندن : ۵۵۷  
مقری کوسنده مقیم حافظ غالب و حمدی بکیرله اسماعیل طلعت بک و دارنجی بک چولمکیچی ایوستول اوغلی خریستو و قزی ماریقو و ساثرنک مشترکاً و شایعاً منصرف اولدیغنی دارنجیه ایله اسکحصار قره سی آره سنده واقع قرق بش بئش دوئم اراضی و زیتونلرک بلک بلمزایده فروختیه ازاله شیوعی مومی الیه حافظ غالب و حمدی بکیرک ککبوزه محکمه صلحه سندن استحصال ایدوب موقع اجرایه وضع ایدلکاری ۶ کانون اول ۳۳۶ تاریخ و ۱۳۰ نومرولی فقره حکمیہ ایله محکوم به و شرکادن خریستو و ماریقونک اقامتکاه لری مجهول بولنمش اولدیغندن تاریخ اعلانن اعتباراً بر هفته طرفنده غائب مرقومان حکم اعلامی بارضا ایفا و تأخیری مستلزم اعتراض لری اولدی فی حالده بیان ایلملی ضمننده تسطیر ایدبان اخبارنامه لیرک برنسخه لری مرقومان خریستو و ماریقو مقام تبلیغده محکمه دیوانخانه سنه تعلیق ایدلیدیکی کبی جریده ایدله اعلان اولنور .

در سادات اجرا دائره سندن : ۵۵۵  
محمد علی افندیکنک شهر خام ذمتنده کی الاچفندن طولانی احتیاطاً تحت حمزه آلتان زبرک و صاری یارده کی اموال غیر منقوله حصه سی اوزرینه موضوع حمزه تصدیقه قرار و برلش اولدیغندن مقدماً قائم باشاده بیجی کیتخدا محله سننده ساکن ایکن حالاً اقامتکاهی مجهول بولنان تر به دار علی افندی ورنه سندن شهر خامک اوج کون طرفنده دائره ده عدم مراجعتی حالده اموال غیر منقوله مذکورنک فروخت ایدیلدیکی ایکجی اخبارنامه مقامنه قائم اولتی اوزره اعلان اولنور .

۵۶۲  
بردینک تأمینی ضمننده فروختی مقرر یازخانه اشیا سنک ۲۹ کانون نای ۳۳۷ تاریخنده صندال بدستارنده بلمزایده فروخت ایدیلدیکندن طالبلرک مأمورینه مراجعت لری اعلان اولنور .

بلک اوغلی اجرا دائره سندن : ۴۸۵  
محمد خلوصی بکیرک اسکدارده صو ترازیسی جوارنده ارا بکی عیدی اوسته نیک خانه سننده مقیم معمر بلک علیه اشیا مایه اومه نیک استرداد و مستهلک ایه بدلی اولان ایکبوز سکسان بش لیرانک مع مصارف محاکمه و اجرائییه تأمین استیفاسی خقنده در سادات استیناف حقوق محکمه سندن استحصال ایلملیکی ۱۸ اغستوس ۳۶ تاریخ و ۴۶۶ نومرولو اعلام داین مومی الیه طرفندن انفاذ احکامی طلبیه موقع اجرایه وضع ایدیلدیکندن تسطیر قننان اخبارنامه طهرینه محله سی هیئت اختیارنک تصدیقه مقارن مباشر شرحه مد بولنک محله دن چقعه قرق نه طرفنده بولندی غیر معلوم اولدی فی بلدی برلش و داینک طلب اخیری اوزره مدیونه اعلانیاً تبلیغات ایفاسی قرار کبر اولمش اولغله محکوم علیه مومی الیه معمر بکیرک تاریخ اعلانن اعتباراً بر ماه مدت طرفنده حکم واقعی بارضا اجر ایتیمی و یا بر ادا و اعتراض لری اولدی فی حالده دائره ده مراجعتیه بیان ایتیمی عکس تقدیرده مدت مذکورده خنامنده حکم اعلام محکوم بهک و قوعبوله جنی طلبیه توفیقاً قانون دائره سننده انفاذ ایدیلدیکنی مین اولان اشبو اعلان ورقه لرندن برنسخه سی دائره دیوانخانه سنله محکوم علیه کی اقامتکاه سابقنک مناسب بر موقعه تعلیق ایتدی برلش اولغله اخبارنامه مقامنه قائم اولتی اوزره کیفیت غزته لره دخی اعلان اولنور .

اسکدار اجرا دائره سندن : ۵۸۹  
فهی بکیرک مراد بلک ایله زوجیه سی سنیه خانم ذمتنده کی مطلوبندن طولانی محجوز و فروختی مقرر بولنان حالی سجاده و اوپله دوشه سی آینه لی دولاب و چینی صوبا کی قرق بر قلم اشیا ی پتیه ۳۰ کانون نای ۳۳۷ تاریخه مصادف بازار کونی وسطی ساعت برده اسکدارده بات بازارنده و عدد عجم حالیه سی ایله چینی کبیر وازو و ترمومتر و بارومتر و کلر قدیم قونسول ساتی و مع غلاف سایس دور بینندن عبارت اولان اون قلم اشیا کنک دخی ۳۱ کانون نای ۳۳۷ تاریخه مصادف بازار ابرتیمی

کونی کذا وسطی ساعت برده استانبولده چارشوی کبیر مراد محله ده مأمور حضوریلره بلمزایده فروخت اولنه جفندن طالب اولنلرک وقت مذکورده مذکور محله ده حاضر بواندیریلدیگی اولان مأمورینه مراجعت ایلملی اعلان اولنور .

استانبول کاتب عدل کندن : ۵۴۳  
بز زبرده واضع الامضا بیننده ایک سنه مدته و شرکا محتملاً شرکت نامنه وضع امضا صلاحیتله خردوات و چیو بیلیق تجارتیه اشتغال ایتک و مرکزی ماربوچیلرده چارشوی خانق اتصالنده ۴۹۵ نومرولو مغازه بولتی اوزره کیفورق و اربطیان ایله آرمناق و اربطیان عنوانی ایله بر شرکت تجاریه عقد ایدلش اولدیغندن کیفیت عامه جه معلوم اولتی اوزره ذیل قانون تجارت موجبجه اعلان اولنور . ۱۵ کانون نای ۳۳۷

ماربوچیلرده چارشوی خانق اتصالنده ۴۱ نومرولو مغازه ده کیفورق و اربطیان ایله آرمناق و اربطیان درت نسخندن عبارت اولان اشبو شرکت بیاننامه سی اصلنه مطابق اولغله بالتصدیق بر موجب طلب برای نشر و اعلان تقویم وقایع غزته سی اداره علیه سنه ارسال قندی . ۶ کانون نای ۳۳۷

تصحیح : ابوب صلح محکمه سندن ورود ایدوب تقویم وقایعک ۲۳ کانون نای ۳۳۷ تاریخ و ۴۰۶۶ نومرولی نسخه سنک اوچنجی صحیفه سنک ایکنجی ستونه درج ایدلش اولان اعلانک برنجی سطرنده کی طودوری کله سنک سهواً خودوری صورتیه ترتیب ایدلیدیکی کورلش اولغله تصحیح کیفیت اولور .

بین الملل پترول باموق تجارتی عمانی آیم شرکنی نظامنامه داخلیسیدر

برنجی فصل ۲۸۴

شرکنک تشکیلی و مقصدی و اسمی و مرکزی بیاننده در برنجی ماده — ممالک عثمانیه ، ترکستان ، قفقاسیه ، ایران محصولاتی عشرلی اورویا معمولاتی ایله مبادله و بالخاصه باموق و پترول تجارتی و هر نوع ادخالات و اخراجات و قومیسین معاملات ایله اشتغال ایتک اوزره زبرده محررین امضا تجارندن و صاحب معادنن یا نواقان زانویان و تجارندن راجا بیسیان و دعوی و کیلرندن هایاق خسرویان و تجارندن قارتیک ایچو جیان و تجارندن آریس ایچو جیان افندیلر ایله ترتیب و اخراجی بروجه آتی قرارشدریلان و بالاخره اخراج ایدیلدیجه ک اولان حصه لرا اصحابی بیننده بر عثمانی آویم شرکنی تشکیل اولنشد .  
ایکنجی ماده — شرکنک عنوانی بین الملل پترول باموق تجارتی عثمانی آویم شرکنی اوله جنی و تابعیتی اعتباریله بالجمله معاملات خقنده دولت عثمانیه کن قوانین و نظامات حاضره و مستقبله سی تطبیق ایدیلدیجه کدر .  
اوچنجی ماده — شرکنک مرکزی در ساداتده اوله جنی و ممالک عثمانیه کنک ساتر بر محله ده ویا ممالک اجنیه ده دخی شعبه لری بولنه بیله جکدر . شعبه لر کساد ایدلدیجه تجارت نظارتنه معلومات و بریله جکدر .  
دردنجی ماده — شرکنک مدنی بعض اسبابدن طولانی قطع و یا تمدید ایدلدیجه طفسان سنه دن عبارت اوله جکدر .

ایکنجی فصل

سرمایه و حصه سندن بیاننده در  
بشنجی ماده — شرکنک سرمایه سی آتی یوز آلتیش بیک عثمانی لیراسندن عبارت اولوب بهری اون اوج عثمانی لیراسی بکری غروش قیمتده الی بیک حصه یه منقسمدر .  
هیئت عمومیته کنک اشبو سرمایه یه بر مثل تزیید ایتک صلاحیتی اوله جکدر .  
تزیید سرمایه به قرار و برلیدیکی زمان حکومته معلومات و بریله جکدر . سرمایه کنک بر مثلندن فضله تزییدی اول امرده حکومتنک موافقتنک استحصالنه متوقفدر . اوله

اخراج ایدلش اولان حصه سندرلینک بدلاق تماماً استیقا ایدلش اولدقجه نزدیک سرمایه جهته کیدیله من . شرکتک اخراج ایلیه جکی حصه سندانک نمونه لری قبل الاخراج لاجل التصدیق تجارت نظارتنه تودیم ایدیله جکدر .

آلتنجی ماده — شرکت سرمایه سنک عامی امضا یوزده اونی استحصال اولدقدن سوکره صورت قطعیه ده تشکیل ایش ایش عد اولنه حق و حصه داریلارلاره تأدیبه استکارای تقاسیملی مبین وقت سندات و بریله جک و سرمایه نك نصفنک تأدیبه سنده اصحابی بدنده بولنان سندات موقت سندات اصلیه به تحویل ایدیله جکدر . شرکتک حصه سندانک ترکیبی اصل ترجه اعتبار ایدلک اوزره بر طرفی ترکیه و دیگر طرفی فرانسوی و روس لسانلرله تنظیم اولنه جکدر .

سرمایه نك الملك تقسیطنک تأدیبه سندن سوکره قالمه جق مقداری شرکتک احتیاجاته کوره مقسطاً و یاده قلم مجلس اداره نك قراریه درسمعات و سایر لازم کان عاالرده اسنه مختلفه جیقان رسمی و غیر رسمی بعض غزنه لرله لاقل اوتوز کون اول اعلان اولنه حق مطالبه اولنه جق و ایستیلن جزؤ سرمایه تماماً استیقا ایدیله کن صکره کیفیت بریانه نامه ایله تجارت نظارتنه بیلدیریله جکدر .

بدنجی ماده — حصه بدلنک نصفی تأدیبه اولنجه به دکن و بریلن سندات موقت ، اصحابنک اسمنه محرر اوله جق و بدلنک یوزده اونی تأدیبه اولنجه قالمه حواله و فروخت اوله میه جکدر . و بولنک حواله و فروختی شرکتک دفترینه قید ایدیلرک زیری بایع ایله مشتری و مدیرانن بری طرفدن امضا اولنجه اجرا اولنه جق و کیفیت حواله و فروختی سنده دخی ذکر و اشارت قلنه جکدر . بدلک نصفی تأدیبه اولدقدن سوکره سندات اصلیه حامله عائد اولتی اوزره محرر بولنه جکدر .

سکزینجی ماده — حصه سندرلی شرکت نظرنده قابل انقسام دکلدور . و شرکت هر حصه ایچون بر صاحب طانور . بر حصه دارک وارث ویا دانلری هیچ بروسيله ایله شرکتک اموال و املاک کنک تحت جزه وضعنی طلب و شرکتک امور اداره سنه مداخله ایدمزلر و استیقای حقوق ایچون شرکتک محاسبه دفتری ایله هیئت عمومی نك قرارلرنی قبوله مجبوردرلر .

طقوزنجی ماده — اوقات معینه ده تقاسیملی تأدیبه اولنجان حصه سندانک صاحب لرنن تأخرات واقعه دن طولای اخطار کیفیته حاجت قالمزین تقسیطنک حلولی کونندن اعتباراً سنوی یوزده سکز حسابیه فائض اخذ اولنه جکدر .

اونجی ماده — شرکتک تقسیطلری وقتیه تأدیبه ایدیلان سندات اصحابی عاقره اقامه دعوی ایتمک و حصه لری دخی صامقه صلاحتی اوله جکدر و بوقوله صامقنی لازم کلان حصه سندانک نومورلری غزنه لر معرفتیه نشر و اعلان اولنه حق تاریخ اعلانن اون بش کون صکره شرکت هیچ بر کونه اخطاره و معاملات عدلیه مجبور اولماق و ضرروزیانی صاحبنه عائد اولتی اوزره درسمعات پورسه سنده و پورسه لرده هنوز آلتوب صامقنی قبول اولنماش ایسه مزایده طریقله حصه نری صاندیره جکدر . بو وجهله فروخت اولنان سندات ابطال اولنه جق و مشتری لره اسکی سندرلک نومورلرنی حاوی اولتی اوزره بکی سندات اعطا قلنه جکدر . صاتیلان سنک امان حاصله سی حصه دارک شرکته اولان دینه حصر و تخصیص اولنور ، و نقصانی آندن طلب اولنه جق کبی فضله سی وار ایسه اکاعطا اولنور .

اوجنجی فصل

شرکتک امور داخلیه سی بیاننده در

اون برنجی ماده — شرکتک امور وصالی هیئت عمومی طرفندن منصوب و سکزدن اون ایکی بقدر اعضادن مرکب بر مجلس اداره به حاله اولنور ، و شو قدرکه ایلک بش سنه مدت ایچون تشکیل اولنه جق مجلس اداره اعضایی مؤسسلر طرفندن بروجه آتی تعیین اولنمشدر :

- ١ — تجارندن و اصحاب معاندنن باتاقان زاتوریان ٢ — تجارندن راجا یسایان ٣ — دعوی وکیل لرنن همایاق خسرویان ٤ — تجارندن قارنیک ایچوجیان ٥ — اصحاب معاندنن شامیل زاتوریان ٦ — تجارندن آرس ایچوجیان ٧ — تجارندن هاروتیون میرزایان ٨ — تجارندن ایوان سفربینسقی .

اون ایکنجی ماده — بش سنه مدت ایچون تعیین اولنان اعضانک مدت

مأموریتلری ختام بولدقدن سوکره انتخابات اجراسیله تعیین ایدم جکی مجلس اداره انتخاب اولنه جق اعضانک ایلک تجدیدنه قرعه ایله و آندن سوکره قدم اعتباریه هر سنه اوج اعضا چیقاریلر برلرنه آخری انتخاب و تعیین قلنه جکدر شو قدرکه چیقان اعضانک تکرار انتخابی جائز اوله جکدر .

اون اوچنجی ماده — مجلس اداره نك اجتماعی ایجاب مصلحته تابع اوله جق ایساده اوج ایده بر دفعه شرکتک مرکزنده طویلا نسلی لاپددر . مذاکراتک معتبر اولسی لاقلی نصفندن بر زیاده اعضانک بالادت حضورینه منوطدر .

مجلس اداره نك قرارلری حاضر بولنان اعضانک اکثریت آراسیله معتبر اولور . تساوی آرا وقوعنده کیفیت ، اجتماع آتی به تعلق ایدیلور و انده دخی تساوی آرا وقوع بولورسه موضوع بحث اولان تکلیف رد اولور .

اون دردنجی ماده — مجلس اداره نك مذاکراتی ضبط دفترینه قید اولور وزیری رئیس ایله حاضر بالجلس بولنان اعضا طرفندن امضا ایدیلور . ضبطه صورتی ویا برقره مخرجه سی معتبر اولتی ایچون رئیس ویا وکیلی طرفندن امضا اولتی لازم کلور .

اون بشنجی ماده — اداره مجلسی اعضاسندن هر برینک شرکتک یوز حصه سندیبه مالک اولسی لازم کلور . سندات مزبور به شرکتک سندیقنه تودیم اولنه جق و اعضانک مدت مأموریتلری طرفنده صاتیله میه جکدر . بولنک اوزرنه فروختی جائز اولدیلنی مبین برنغا اوریله جکدر .

اون آلتنجی ماده — مجلس اداره اعضاسندن بر ویا بر قانچک وقتای ویا استعفا سی وقوعندن ویا سایر برسدین طولای بر ویا بر قانچ اعضا بری منحل قالدور ایسه مجلس اداره اشبو برلره موقتاً اعضا تعیین ایلیه جک و انتخاب قطعی کلجک هیئت عمومی طرفندن اجرا اولنه جکدر .

اون بدنجی ماده — مجلس اداره هر سنه اعضایی میاندن بر رئیس و بر رئیس وکیلی انتخاب ایدر و رئیسک ویا وکیلنک غیابنده وکالت ایتمک اوزره اعضادن بری تعیین ایلمر .

اون سکزینجی ماده — اعضادن مالک اجنبیه ده اقامت ویا موقتاً غیوبت ایدنر اثنای مذاکراته کنده لرننه وکالت ایتمک اوزره رفیق لرنن اعضادن بری تعیین ایدم بیلورلر . شو قدرکه وکالت ایدم جک اعضانک کندی رأی داخل اولدنی حالده ایکیدن زیاده رأی اوله میه جکدر .

اون طقوزنجی ماده — مجلس اداره شرکتک امور و اموالنک اداره ایچون اقتدار نامی حائزدر و حتی صامق اولتی و حکم تعیین ایتمک صلاحیتنه دخی مالکدر و هیئت عمومی به عرض اولنه جق حساباتی تنظیم ایله توزیع اولنه جق تمتع مقداری تکلیف ایدر . مجلس اداره نك رئیس کرک مدعی و کرک مدعی علیه صقیله حضور محاکمه بالذات ویا بالوکاله شرکت نامنه مراقبه ده بولنور .

یکرمنجی ماده — مجلس اداره مواد مخصوصه و برمدت معینه ایچون حاز اولدنی اقتداری قسماً و یا خود تماماً اعضاسندن بر ویا بر قانچ ذاته باوکالت مخصوصه حاله ایدم جکی مثلوه صالح جاریه نك رؤیت و تسویه سی ایچون خارجدن دخی بر ویا بر قانچ ذاتی توکیل ایلیه بیلور .

یکریمی برنجی ماده — مجلس اداره اعضایی حاصلات صاقیه دن کنده لرننه تخصیص قلنه جق حصه دن بشقه مجلسمه حاضر بولنه جق کونلر ایچون حصه داران هیئت عمومی سه سجه تقدیر و تعیین ایدیله جک بر اجرت دخی اخذ ایدم جکدر .

دردنجی فصل

هیئت عمومیه بیاننده در

یکریمی ایکنجی ماده — صورت منتظمه ده عقد اجتماع ایدن هیئت عمومی عموم حصه دارانک هیئت مجموعه سی مقامنده بولنور .

یکریمی اوچنجی ماده — هیئت عمومیه هر سنه نیشان آتی طرفنده

شرکتک مرکزنده صورت عایده ده عقد اجتماع ایدر . بوندن بشقه مجلس اداره ایجاب ایدیلرک صورت فوق العاده ده اوله حق هیئت عمومی به دعوت ایدم بیلور ، هر سنه هیئت عمومی نك اجتماعی نهایت یکریمی کون اقدم تحریراً تجارت نظارتنه اخبار و بونی متضمن اولان استعدانامه به اجتماع ایدم جک هیئت عمومی به عرض ایدمک اوزره احضار ایدلش اولان مجلس اداره و مفتش راپورلرله سنه نك پلانچودن دردر نسخه لف اولنه حق و هیئت مذ کورده جانب نظر ایدن بر قومیسر حاضر بولدیریله جکدر هیئت عمومی نك صوک اجتماع کونندن نهایت بر آی صکره هیئت مذ کوره ضبطه لرندن و حاضر بولنان حصه دارانک اسامی و مقدار حصه لرنی مبین جدولدن دردر نسخه سی تجارت نظارتنه کوندریله جکدر .

یکریمی دردنجی ماده — هیئت عمومیه وکاله ویا اصالة لاقل اون حصه به مالک اولان حصه دارانن مرکب اوله جکدر . هیئت عمومی به ده کرک اصالة و کرک وکاله حاضر بولنان حصه دارانک هر اون حصه ایچون بر رأی اوله جق و شو قدرکه هر بر حصه دارک اوندن زیاده رأی اوله میه جکدر .

یکریمی بشنجی ماده — دعوتنامه لر یوم اجتماعدن لاقل بر ماه اول آلتنجی ماده ده بیان ایدیلرکی و جاله غزنه لرله اعلان قلنه جکدر .

یکریمی آلتنجی ماده — هیئت عمومیه کرک اصالة و کرک وکاله شرکت سرمایه سنک ربعه مساوی حصه سندانته مالک حصه دارلر حاضر بولور ایسه تشکیل ایش عد اولنور هیئت عمومی به ده حاضر بولنه جق حصه دارانک متصرف اولدقلری حصه لک سالف الذکر ربعه مساوی اولوب اولدنی کلک شاملق اوزره حصه سندرلری یوم اجتماعه تقدم ایدن اون کون طرفنده مجلس اداره طرفندن ارئه اولنه جق محله تسلیم ایتملری دعوتنامه لرده اخطار اولنه جکدر بلراجمه حصه سندرلری تودیم ایدن حصه دارانه و بر دکاری حصه سندرلرنک عدد و نومورلرنی ناطق بردخولیه ورقه سیله اجتماع ایدم جک هیئت عمومی به عرض ایدمک اوزره حاضر لرنش اولان مجلس اداره بومفتش راپورلرنن وسنه نك پلانچودن رر رسوخه و بریله جکدر اشبو هیئت عمومی نك دفعه اولی اجتماعنده حاضر بولنان حصه دارانک اصالة و وکاله حامل اولدقلری حصه سنداننک مقداری درجه کفایه ده اولدیلنی حالده هیئت عمومی ایکنجی دفعه اوله حق اجتماعه دعوت ایدیلور .

اشبو ایکنجی اجتماعه حاضر بولنان حصه داران حصه لرننک مقداری نه اولور ایسه اولسون برنجی اجتماعه مذاکره اولنسنه قرار و برلش اولان خصوصات حقتنده اجرای مذاکرات ایدم جکدر ، و بو وجهله جریان ایدن مذاکرات صریح و معتبر اوله جکدر . برنجی اجتماع ایله ایکنجی اجتماع بیننده ک مدت یکریمی کوندن دون و برماهدن افزون اوله جق و ایکنجی اجتماعک دعوتنامه لری اون کون اول اعلان اولنه جکدر .

یکریمی بدنجی ماده — هیئت عمومی به مجلس اداره رئیس ریاست ایدر ، بر رئیس موجود اولدیلنی حالده مجلس اداره اعضایی ایچلرنن بری ریاست وکالت . انتخاب ایلمرلر . هیئت عمومی به ده حاضر اولوب اک زیاده حصه به مالک اولانلردن ایکیسی رأی طویلامق خدمتی ایفا ایدر . هیئت عمومیه کابی رئیس ایله رأی طویلامقه مأمور اولانلر طرفندن تعیین اولنور .

یکریمی سکزینجی ماده — هیئت عمومی به ده مذاکره اولنان خصوصاته اکثریت آرا ایله قرار و بریلور . مذاکره اولنه جق موادک جدولی مجلس اداره طرفندن تنظیم ایدیلور . اشبو جدوله داخل اوله جق مواد مجلس اداره نك تکلیفاتی ایله حامل اولدقلری حصه لک بدلی شرکت سرمایه سنک لاقل یوزده اون بشنه بالغ اولان حصه داران طرفندن یوم اجتماعدن لاقل بش کون اول وقوع بولنه جق تکلیفادن عبارت اوله جکدر .

اشبو جدوله داخل اولیان خصوصات هیئت عمومی به ده مذاکره اولنه من .

یکریمی طقوزنجی ماده — هیئت عمومی به بالجله حسابانک تدقیق ایچون کرک حصه دارانن و کرک خارجدن بر ویا متعدد مفتش تعیین ایدر . شو قدرکه بو حق تعیین ایلمک سنه ایچون مؤسسلره عائددر .

اوتوزنجی ماده — هر سنه عقد اجتماع ایدم جک اولان هیئت عمومی به شرکتک

امور و مصالحه دائر هر سنه مجلس اداره طرفندن تقدم اولنان لایحه ایله حساباته دائر مفتش طرفندن و بریلن راپورک قرآنی استماع و حساباتی لدی المذاکره یا قبول و یارد ایدر و حصه نتمی تعیین ایلمر . تبدیلی اقتضا ایدن مجلس اداره اعضاسنک برلرنه دیکرلرنی نصب ایدر ، و شرکتک بالجله امور و خصوصاتی حقتنده بالمذاکره قرار قطعی اعطا و مجلس اداره نك ایجاب ایلمسه اقتدار بری توسیع ایلمر . فقط هیئت عمومی به ده اصالة و وکاله شرکت سرمایه سنک لاقل ثلثانه مساوی حصه لر ایجابی موجود اولوب بولنک اکثریت آراسی حاصل اولدقجه سرمایه نك تزیدینه قرار و بریله من . اوتوز برنجی ماده — هیئت عمومی نك ضبط اولنان مذاکراتی بر دفتر مخصوصه قیدوز بری هیئت عمومیه رئیس ایله رأی طویلامقه مأمور اولانلر و کاتب طرفندن امضا ایدیلور . هیئت عمومی نك هر اجتماعنده حاضر بولنان حصه دارانک اسامیسيله اقامت کاهنی و هر برینک حامل اولدنی حصه لک مقداری مبین بر جدول تنظیم ایله موجود اولانلر طرفندن امضا ایدیلوب ضبط دفترینک او کونکی ورقه سنه ربط و طلب وقوعنده علاقه دارانه تبلیغ اولنور .

اوتوز ایکنجی ماده — لاجل الاحتجاج ابراز اولنه جق هیئت عمومی نك ضبط صورتی ویا فقرات مخرجه سی مجلس اداره رئیس ویا وکیلی طرفندن امضا ایدیلور .

اوتوز اوچنجی ماده — هیئت عمومی به طرفندن اشبو نظامنامه داخلی احکامنه توفیقاً و بریله جک قرارلر غائب اولان ویا مخالف رأیده بولنان حصه داران ایچون دخی مجبوری الاجرادر .

بشنجی فصل

حسابات سنویه و مفردات دفتری بیاننده در

اوتوز دردنجی ماده — شرکتک سنه مالیه سی کانون مانی ابتدا سندن بدأ ایله کانون اولک صوکنجی کونی ختام بولور . فقط برنجی سنه مالیه مستثنای اوله حق شرکتک صورت قطعیه ده تشکیلی تاریخی ایله اوستنه کانون اولنک صوکنجی کونی بیننده ک مدتی شامل اوله جکدر . مجلس اداره هر سنه نهایتده شرکتک مطلوبات و دیوناتی حاوی بر دفتر عمومی تنظیم و اشبو دفتر ایله موازنه دفتری و حساباتی هیئت عمومی نك اجتماعندن ایکی آی اول مفتشلره ارئه و تبلیغ ایدم جک و هیئت عمومی نك حین اجتماعنده اکا تقدیم ایلمه جکدر . هیئت عمومی به داخل اولتی صلاحیتی حازر اولان هر حصه دار مذکور دفتری و حساباتی مطالعه و معاینه ایدم بیلور .

آلتنجی فصل

تمتعانک صورت تقسیمی و رأس المال محسوب آقچه بیاننده در اوتوز بشنجی ماده — شرکتک تمتعات صافی سنویه سندن اولا بلا استثنای حصه لک جمله سنه فائض اوله حق بدلی تسویه ایدلش سرمایه به یوزده آتی اعطاسنه کفایت ایدم جک مبلغ و ثانیاً احتیاط آقچه سی تشکیل ایتمک اوزره تمتعات مزبور نك یوزده اونی افزاز اولدقدن صکره باقی قالدان قسمی صورت آتیبه ده تقسیم اولنور . یوزده بشی مجلس اداره به ، یوزده بشی مأمورینه ، یوزده طقسائی حصه سندانته . اوتوز آلتنجی ماده — هیئت عمومی به ، حصه سنداننک هر سنه بر مقدار معینی قرعه کشیده سیله تداولدن آلتیق و اهمیت و صورت استعمالی تعیین ایدم جکی سائر هر در لو احتیاط تالی اقیچه لری احدات ایتمک اوزره حصه دارانه عادتیه ماده سابقه ده بیان اولنان یوزده طقسائین تنسیب ایدم جکی مقدار اقیچه نك افزاینه قرار و بریلور ، و شو حالده قرعه سی اصابت ایدن حصه سندانن استرداد ایدیلرک آتلیک برینه بر رؤیت سانس حصه سی و بریله جک و بویکی حصه لر ایچون کاکان حصه تمتع و بریله جک و فقط فائض اعطا اولنیه جکدر .

بدنجی فصل

احتیاط اقیچه سی

اوتوز بدنجی ماده — احتیاط اقیچه سی اوتوز بشنجی ماده موجبنه تمتعات سنویه دن مفرز مبالغه ترا کمندن تشکیل ایدم جک و مصارف فوق العاده و غیر ملحوطه به قارشوق طوتیه جق و اشبو اقیچه نك مقداری شرکت سرمایه سنک نامنه مساوی بر راده به بالغ اولدقده احتیاط اقیچه سی افزاز اولنیه جکدر . شو قدرکه احتیاط اقیچه سی سرمایه نك نامنه

عمومیة ده شرکت سرمایه سنک لاقل نصفه مساوی حصه سنداتی حامل حصه داران حاضر و ملحقه جر ایده جک مداکرات مقبول و معتبر اوله من .

طغوزنجی فصل

مواد متفرقه بیانده در

قرق دزدنجی ماده — اشبو نظامنامه داخلی صورتی شرکتک تشکیله حکومتجه مساعده اعطا اولندقدن صکره برآی طرفنده درسعادتده تقویم وقایع و دیگر معتبر برگزته ایله و شرکتک معاملات و یا شعبات ادارهسی بولان یرلرده جرائد رسمیه و سائر ایله عیناً و یا اجلاً نشر اولنه جنی کبی نظامنامه داخلیده حکومتک مساعده سیله وقوع بوله جق هر کونه تعدیلات کیفیتک تجارت نظارتی طرفندن شرکتک رسماً تبلیغندن و هر سنه تک هیئت عمومیه مقررانی و سنه تک بلانچو صورتلری دخی هیئت عمومیه تک صوک اجتماعی کونندن اعتباراً کذاک برآی طرفنده کرک درسه دت و کرک طشره ده بوجه محرر اعلان قلنه جقدر .

قرق بشنجی ماده — شرکت اخراج ایده جکی حصه لره صاحب قیدی ضمننده نشر ایلیه جکی تعریفنامه ده اولا شرکتک مقصد تشکیلی ومدتی ، ثانیاً مؤسسلرک اساسینی ، ثالثاً سرمایه تک مقداری و صورت نزدیکینی ، رابعاً تنعک صورت تقسیمینی و بو میانده مؤسسلره و هیئت اداره اعضاسنه تخصیص قلنه جق مفادبری صراحة درج و بیان ایده جکدر .

قرق التنجی ماده — شرکت اشبو نظامنامه بی طبع و تمثیل ایتدی بره رک طالب اولالره اعطا ایلیه جکی کبی الی نسخه منی بردمه یه مخصوص اولق اوزره تجارت نظارته ارسال ایده جکدر .

قرق یدنجی ماده — شرکت ایستاتستیک اداره سنجه اعطا قلنه جق نمونه سنه توفیقاً هر سنه معاملاتنه دائر بر ایستاتستیک جدولی تنظیم و نظارته تقدیم ایلیه جکدر .

۲۷ ذی الحجه ۱۲۲۷ ۲۳ ایلول ۱۳۳۵

بالغ اولدقدن صکره اندن صرفیات اجراسیله مقداری نسبت مذکورده دن اشاغی دوشرسه تکرار تمتاندن توقیفات اجراسنه مباشرت اوانه جقدر .

اونوزسکزننجی ماده — حاصلات سنویه حصه باشنه یوزده آلتی قاضی و یا حصه تمت اعطاسنه کفایت ایتدیکی تقدیرده نقصانی احتیاط افجه سنیدن کمال ایدیله سیله جکدر .

اونوزطغوزنجی ماده — شرکتک انقضای مهتده بالجمله تمهداتی ایفا اولندقدن صوکره احتیاط افجه سی کافه حصه داران یدنده تقسیم اوانه جقدر .

سکزننجی فصل

شرکتک تمدید مدت و فسخی و قطع معاملات بیانده در

قرقنجی ماده — مجلس اداره هر نه وقت و هر نه سیله اولورسه اولسون هیئت عمومیه بی اجتماع دعوتله شرکتک مدتک تمدیدینی و یا قطعی ایله تصفیة معاملات و یا خود سائر شرکت ایله برلشمسینی تکلیف ایده بیلور . شو قدر که تمدید مدت ایدلسی و یا ایجاب ایدرسه شرکتک سائر شرکت ایله برلشمسینی و تحویلات اخراجی و اشبو نظامنامه تک تعدیلی ماده لری هر حالده حکومت سنیه تک رخصتنه متوقفدر .

قرق برنجی ماده — مجلس اداره شرکت سرمایه سنک اوچ ربی ضایع اولدینی حالده شرکتک فسخنه و یا دوامنه قرار و یرمک اوزره هیئت عمومیه بی دعوت ایدر . شاید مجلس اداره جه دعوت وقوع بولمازسه مفتشله طرفندن دعوت اولور .

قرق ایکنجی ماده — شرکتک مدتی منقضیه اولدقده و یا مدتی تکمیل اولمق سزین فسخ اولدقده اجتماع ایدن هیئت عمومیه شرکتک تصفیة معاملات و حساباتنه قرار و یره جک و تصفیة حساب ایچون بر و یا برقاچ مأمور تعیین ایده جکدر . تصفیة مأمور لری تک تعیین ایدلسیله مجلس اداره ایله مفتشله اقتدار و صلاحیتلری ختام بولور . هیئت عمومیه شرکتک موجود اولدینی زمانلرده اولدینی کبی تصفیة حساب ائساننده دخی اقتدار و صلاحیتینی استعماله دوام ایده جکدر . تصفیة حساب مأمور اولانلر هیئت عمومیه تک قراری و حکومت سنیه تک مساعده سی ایله شرکت مفسوخه تک حقوق و سندن و تمهداتی دیگر بر شرکتک و یا آخر بر کیسه یه دور و فراغ ایده سیله جکدر .

قرق اوچنجی ماده — اشبو فصلک حاوی اولدینی ماده لرده کوسترین خصوصاته قرار و یرمک اوزره صورت فوق العاده ده دعوت ایدیله جک هیئت

دستور

ترتیب نانی

مجله	مجله
غروش	غروش
۵۰	۱۷۵ : برنجی ، ایکنجی ، اوچنجی ، دزدنجی ، بشنجی و یدنجی جلد دستورلرک بهر جلدی :
۷۵	۲۰۰ : " دستورک "

دستورلرک محل فروختی مطبعة عامره در .

تفویم وقایع

مطبعة عامره تلدفون نومروسی : استانبول ۸۵۱

تفویم وقایع قومیسینی تلدفون نومروسی : استانبول ۲۴۷۸

امور محریبه و اداره — امور محریبه ایچون دائرة جلیله سدارنده « تفویم وقایع قومیسینی » نه و امور اداره ایچون مطبعة عامره مدیریته مراجعت اولنور . شرائط اشترا — استانبول و ولایات ایچون پوسته اجرتیله برابر سنه تک آونه بدلی ۶۰۰ غروشدر . مالک اجنبیه ایچون پوسته اجرتی خارج اولدینی حالده سنه تک آونه بدلی ۵۰۰ غروشدر . آونه معامله سی مطبعة عامره ده اجرا و بدلی آنجق مطبعة وزنه سنه ارسال و اعطا ایدیلیدر . کونی کیمش نسخه لرک فیاتی مطبعة دن التیق شرطیله اوچ غروشدر . اعمولات — افرادک منافعه متعلق اوله رق قانوناً و نظاماً یا خود علاقه دارانک طلبربنه بناء دوائر رسمیه و محاکم طرفندن درج ایتدیبره جک اعلانانک هر سطرندن هون غروش آلتیر . اعلانانک خصوصیه قبول اولنماز .